

Dornskridoù Milin : Kanaouennoù

## 92. CANTIQU OUAR BUHEZ AR SEIZ SANT

( Diskrivet gant Milin diwar dornskrid Botmeur. Pozioù 4 gw. 13 sil. Ar seizh sant a zo amañ kacz anezho a zo ar seizh merzher a vez graet diouto kouskerien Efezoz: ur chapel vrudet a zo dediet dezho e parrez ar C'hozh-varc'had.)

- (1) Assistantet honorabl tostait da glevet eur c'hantiq spirituel a neve composet, ar sujet a zo ken dign eüs oc'h attention ma deui mar beit attentif da rei joa d'ho calon.
- (2) Mais quent avanç dauantaich adresset holl guenëen h calon hag ho peden he tressé hac an één. pedomp ar spered santel da rei din sclairijen da zisclairia ann histor a Seiz é verzerien.
- (3) Guechall é ouâ un tirant. Decius oua hanuet Impalaezr ar chruella â gement â gafchet, lakat e rae tourmanti partout ar christenien deffaut na garent renonç d'ho feiz ha d'ho lesen.
- (4) Er ger eus à Ephese é oua neuse seiz breur en amzer ma oua he Rom Decius ampereür, seiz buguel â qualité hac a condition, remplisset a bep vertuz, hac a perfection.
- (5) Ar quenta eus anezo a oua Maximian, ann eil Malch - ce nom est peu lisible - hac ann trede a oua Martinian, ar pevare sant Denes ha sant Ian ar pempet ar chuechuet Seraphion, Constantin ar seisuet.
- (6) Ann impalaezr Decius ho songeal dont a penn da ober dar seiz breur man chench emeus a lesen a glask ann holl moyenou euit ho zourmanti da ober dezo renonç da Jesus ha Mari.
- (7) Lamet a ra digante ho madou da guenta ar pez a oua necesser memez euit beva; Euite da veza nobl dre ho extraction, int rentel euel peorien ho klask an aluson.
- (8) ann tirant hôâz o songeal sur trechy ho chonstanç a lam ho armoriou ho phriu eus ho noblanç, mar delchont mad da Jesus assur ho zourmanto ha mar renonçont dezan sur ho recompanço.
- (9) Mais caezr en deus ho phriua a pep commodité, ober dezo gourdrousou ha promesseou iue

resoluet int da veza ho seiz merzeriset

quent ma quittaent Jesus er groaz crucified.

(10) Pette vremen ann tirant ne deo quet deut a penn da zistrei ar seiz breur man dre ambassadeurien, mais breman eo quer fached mar renq dont e hunan dho chlasq ha dho phunissa dre gleze ha dre tan.

(11) Allas ho chaouet a ra cuzed en eur gavern hac e lak neuse souden terri ho oll esquern, e ro urz da vassonat ar gauarn ouar n'ezo ha d'ho laquad he buhez he renq ar ree varo.

(12) Penos tirant infernal, honnez eo ar settanq ordren ar brassa tourmant d'ar brassa innoçanq laquat he beo en douar seiz breur a qualite n'ho deus biscoaz commettet nep seurt mechansseté.

(13) Da vihana mar d'eo reet e collent ho buhez roit dezo eur maro douçoc'h euit honnez, guell eo meruel ouar ar rot pe staq och eur potanq pe grillet ouar glaou ardand, euel eur sant Loranq,

(14) mais coll ann oll sclairigen, beza beo anterred, languissa dre ar famin, meruel gand ar sechet hennez a zo un tourmant quer cruel ha quer bras n'en deus nemet an Iffern pe ar purgator gouaz.

(15) Assistant(et) catholiq ne d'oc'h-u quet touchet ho velet seiz craouadur he buhez anterret, demeus a greis ho yechet, hac en ho iaouanctis int plantet en eur gauarn non pas en un ilis.

(16) Allas! echu eo deze, laisomp-hy da veruel pa ne hellomp ho sicour; mais chuy tad oeternel receuit ho eneu da james en ho gloar pa z'int euit ho lesen plantet beo en douar.

(17) O Doue oll buissant! chuy conservas guech all eur prophet hanuet Jonas e corf un aneual eur pesq hanuet ar balen e lonquas er mor bras - ce mot est douteux -

hac er ger a ninive he tri de er rentas.

(18) Chui conservas Daniel he creiz a leonet chui a ros da tri buguel cana er forn gored breman chui a lais seiz breur enterret er gavern Dre ordrenanq Decius dre ma ouant christenien.

(19) Seitec bloaz hac heiz-uguent e chomsiont er plaç-se quent ma oue diuassonet ar gauarn ouar-neze; an nep en defoua clevet e ouant eno lequeet a songe e ouant maro hag hy e poultr rentet.

(20) Mais Doue oll puissant pehini ne lais quet an oeuvrou greet en e gloar hep bea recompançet a zigassas eur chousquet er gauarn d'ar seiz sant hac ho miras e quehet se dioc'h pep poan ha tourmant

- (21) rac pa oua bet ar seiz sant er gauarn enterret dre permission Doue e commansient cousquet a seitec bloas ha tri-uguent e ouent hep dihuni ken n'a dees tud er gauarn hac ho chaouet enny.
- (22) en istant ma ouent cauet ez ees partout ar brut, quement-se a estonas un nombr bras eus a dut mais ne oua quet hep raison rac me a gred biscoaz n'ho defoua cleuet parlant a eur miracl ker bras.
- (23) An escop, ar gouarner hac an habitantet eus a ger a Ephèse a deuas d'ho guelet hac a yeas oïl d'an n'aoulin, pa ouant arru er plaç, euit rents da Zoue meuleudiou ha graç.
- (24) Dre voyen eur planquen coueffr a oue ganto cauet e lech ma oua ho hano hac ho buhez scriuet permittet que gant Doue, euit e vrassa gloar gouzout peguehit a amser e ouant bet en douar.
- (25) Donet a eure quer quent ar maro d'ar seiz sant euit caçç ho eneoù dar joayou tricmphant, m'ar boant priuet er bet-man eus ann traou temporel, e jouissent er bet all eus ar gloar eternal.
- (26) Pedomp etta christenien a galon ar seis sant pa z'int bet en ho buhez seiz den fur ha prudent, Seiz servicher da Zoue pa ouant ouar an douar Seiz aduocat euidomp ez int breman er gloar.
- (27) Guerches glorius Vari, mam a visericord assambles gant ar seiz sant bezit demp oïl support ha pa deuio ar seiz sant da pedi euidomp grit ma vo ho map Jesus drugaresus ouzomp.

vvvvvvvvvvvvvv